



**Lescha recepziun
da burgheis**

015.000

C u n t e g n

Art. 1 Principi	3
Art. 2 Premissas per persunas jastras	3
Art. 3 Premissas per persunas svizras	3
Art. 4 Procedura	3
Art. 5 Examinaziun e decisiun	3
Art. 6 Burgheis d'honur	4
Art. 7 Taxas	4
Art. 8 Cumpetenza e communicaziun	4
Art. 9 Vigur legala	4
Art. 10 Mieds legals	5
Art. 11 Relaschada	5
Art. 12 Abrogaziun e vigur	5

Art. 1 Principi

Burgheis dalla vischnaunca da Sumvitg san burgheis grischuns e svizzers sco era persunas digl exterior e persunas senza naziunalitat daventar, aschinavon che las premissas legalas tenor dretg federal, cantonal e communal ein dadas.

Art. 2 Premissas per persunas jastras

A persunas jastras sa vegrant garantiu il dretg da burgheis communal, sche talas han giu lur domicil duront silmeins tschun onns ella vischnaunca da Sumvitg. El mument dalla damonda sto la persuna esser domiciliada silmeins dus onns senza interrupziun en vischnaunca. Plinavon ha ella d'ademplir las ulteriuras pretensiuns tenor legislaziun federala e cantunala dil dretg da burgheis.

Art. 3 Premissas per persunas svizras

A persunas svizras che han habitau duront silmeins tschun onns ella vischnaunca da Sumvitg, da quei ils davos dus onns senza interrupziun el mument dalla damonda, sa vegrant concediu ni garantiu il dretg da burgheis sche:

- a) igl extract privat dil register penal svizzer cuntegn negin'inscripziun,
- b) adempleschan lur obligaziuns finanzialas,
- c) retilan neginas prestaziuns socialas,
- d) han restituiu eventuais susteniments socials dils davos diesch onns.

Art. 4 Procedura

¹ La damonda da naturalisaziun per persunas svizras sto vegrant fatga cul formular ufficial e sto vegrant inoltrada culs suandonts documents alla vischnaunca:

- a) attests da domicil pil temps prescrets tenor lescha,
- b) attest dil stadi civil davart las datas registradas dil stadi civil,
- c) extract privat dil register penal svizzer,
- d) cuors dalla veta,
- e) extracts dils registers da scussiun dallas vischnauncas da domicil dils davos diesch onns,
- f) attestaziun dallas autoritads fiscals davart il pagament dallas taglias taxadas,
- g) informaziuns ufficialas davart eventualas retratgas d'agid social dallas vischnauncas da domicil dils davos diesch onns,
- h) cumprova da haver la tgira genituriala, aschilunsch che quella vegrant buca exequida communablamein dils geniturs.

² El cass da naturalisaziuns privilegiadas sto vegrant aschuntau ils documents che documenteschan il causal respectiv.

³ Ils documents astgan per regla buca esser pli vegls che sis meins.

⁴ La damonda da naturalisaziun per persunas jastras sto vegrant fatga cul formular ufficial e sto vegrant inoltrada culs documents necessaris agl uffeci cantunal.

Art. 5 Examinaziun e decisiun

¹ La suprastanza communala examinescha las pretensiuns formalas e procura per las informaziuns necessarias.

² La suprastonza envida las persunas jastras che fan ina damonda da naturalisaziun ad in discours da qualificaziun, el qual surtut l'integrazion e las enconuschiantschas previdas tenor legislaziun federala e cantunala dil dretg da burgheis vegnan examinadas. Fa ei basegns sa era in discours cun persunas svizras haver liug.

Art. 6 Burgheis d'honur

¹ A persunas ch'ein sefatgas specialmein meriteivlas per la publicitat ni per il beinstar public sa vegrir concediu il dretg da burgheis da honur.

² La surdada dil dretg da burgheis da honur ei buca ligiada vid las premissas da domicil tenor questa lescha.

³ El ha il medem effect sco il dretg da burgheis obtenu entras la procedura ordinaria entras naturalisaziun.

⁴ Per persunas svizras senza dretg da burgheis cantunal sco era a persunas digl exterior ein las premissas tenor legislaziun federala e cantunala dil dretg da burgheis necessarias.

Art. 7 Taxes

¹ Per decisiuns en la procedura da naturalisaziun vegnan taxes che cuvieran ils cuosts incassadas. Las taxes muntan maximal frs. 2'000.-- per persunas jastras e frs. 1'000.-- per persunas svizras.

² La suprastonza communal sa decider per Svizzers / Svizras e per persunas digl exterior differentas pauschalas per cass. Per naturalisaziuns privilegiadas san pauschalas pli bas-sas vegrir fixadas. Las pauschalas ein d'adattar periodicamein allas expensas effectivas.

³ La suprastonza communal sa reducir ni relaschar las taxes per persunas minorenas, las qualas vegnan buca naturalisadas ensemes culs geniturs sco era per persunas en scolaziun e formaziun.

⁴ Sch'ei vegrir concediu il dretg da burgheis da honur vegrir ei desistiu d'ina taxa.

⁵ Per l'elaboraziun dallas damondas da naturalisaziun sa in pagament anticipau vegrir incassaus.

Art. 8 Cumpetenza e communicaziun

¹ L'execuziun da questa lescha schai ella responsabladad dalla suprastonza communal.

² Ella communichescha la decisiun sur d'ina damonda da naturalisaziun a scret. Decisiuns negativas ein d'argumentar.

³ Sch'il petent havess da haver obtenu il dretg da burgheis entras indicaziuns nunverdeiv-las ni entras zuppar fatgs decisivs, rapporta la suprastonza communal quei al cantun entochen sil pli tard 8 onns suenter ch'igl ei vegrir dau il dretg da burgheis.

Art. 9 Vigur legala

Posseda il petent buca il dretg da burgheis dil cantun Grischun va la naturalisaziun en vigur pér suenter la recepziun sco burgheis cantunal.

Art. 10 Mieds legals

Encunter decisiuns e disposiziuns dalla suprastonza communal sa vegnir recurriu entei-fer 30 dis suenter la communicaziun tier la Dertgira administrativa dil cantun Grischun.

Art. 11 Relaschada

La relaschada dil dretg da burgheis dalla vischnaunca da Sumvitg sedrezza tenor ils art. 20 e 21 dalla lescha cantunala dil dretg da burgheis.

Art. 12 Abrogaziun e vigur

¹ Questa lescha remplazza il reglament da recepziun da burgheis per la vischnaunca da Sumvitg dils 11 da december 2006.

² Questa lescha passa en vigur cun l'approbaziun entrais la radunanza communal dils 11 da zercladur 2019.

Il president communal
sig. Armin Candinas

Igl actuar communal
sig. Fabian Collenberg